



De Iustitia Et Iure ceterisq[ue] Virtutibus Cardinalibus

Lessius, Leonardus

Antverpiæ, 1632

8 Quando Aduocatus teneatur ad restitutionem parti.

[urn:nbn:de:hbz:466:1-72459](#)

illi patrocinium præstitutus, quiuis aduocatus tenetur ei succurrere, etiam gratis. Ita D. Thomas q. 71. art. 1. & alij DD. Dicitur autem esse in *extrema necessitate*, v.g. cum imponitur illi crimen, ob quod plectendus sit capite, vel spoliandus omnibus bonis, & in extremam coniiciendus inopiam, nisi defendatur, ratio est, quia quisque tenetur extremè egenti illud impendere quo ipse instrutus est, si ipse similiter non egit; vt si pauper extremè egit cibis, tenetur succurrere qui habet cibum; qui autem non habet cibum, sed pecuniam, non tenetur, nisi in defectum alterius; vt si alter cibus obtineri non possit. Si extremè egit pecuniam, tenetur succurrere qui pecuniam habent; si opera medici vel chirurgi, tenentur hi gratis operam suam præstare; neque diuites tenentur pro eo soluere, nisi fore illi ex sua malitia nollent alter opitulari; tunc enim pecunia illi esset necessaria ad vitam conservacionem. Idem dicendum de aduocato, cuius patrocinio pauper extremè egit, vide D. Gregorium Homil. 9. in Euangelia, sub finem: *Habens*, inquit, *intellectum, curat omnino ne taceat: habens rerum affluentiam, a misericordie largitate non torpescat: habens artem, qua regitur, et sum illius cum proximo paratiatur: habens loquendi usum, apud dimitrem pro pauperibus intercedat. talentum quippe ab unoquoque nostrum venturus Index exiget, quantum dedit.*

⁴⁶ Sed difficultas est, utrum idem dicendum sit de graui necessitate? Nauarrus cap. 25. num. 20. putat non teneri nisi in extrema necessitate pauperis, quando ex patrocinio vita ipsius vel ipsi coniuctorum, vt patris, matris, viroris, proles, pender; quod intellige, non teneri sub peccato mortali: nam intolerabile esset, dicere, sub nullo peccato teneri. Idem sentit Caietanus in hunc artic. dicens, tunc solum obligari sub veniali. Sed contrarium longè verius, vnde

Dico Secundò, In graui necessitate pauperis (vt si iniuste damnandus putaretur ad tirream, ad publicam flagellationem, ad durum carcere, vel amissa lite iusta grauen morbum contracturus) tenetur aduocatus sub peccato mortali suum patrocinium exhibere, modo ipse aliquo modo superfluum suo statui habeat; id est, modo præter illam operam, quæ illi necessaria est ad statu suum sufficiendum, aliquid temporis vel industria ei superfit. Ita Siluest. v. Aduocatus, p. 11. Sotus l. 5. q. 8. ar. 1. & alij. ratio pater ex dictis de eleemosyna, q. 32. ar. 5. dub. 5. vbi ostensum est, eos, qui quoquomodo superfluum habent, teneri in graui necessitate proximi sub peccato mortali; quod ibidem sentit Caietanus, vnde parum sibi constat, dum hic contrarium tradit. Communis necessitas vix locum haberet ista materia; quia causæ iudiciales sunt ordinariè magni momenti respectu pauperum, vel certè pauperes non sunt. vide supra cap. 12. dub. 12. & cap. 16. dub. 1.

D V B I T A T I O V I I I .

Quando aduocatus teneatur ad restitutionem parti.

⁴⁷ R Espondeo & Dico Primiò, Quando ex negligencia vel imperitia ipsius, ciens iustâ causâ excidit, tenetur de damno, quod ipse inde obuenit.

ratio est quia lege iustitiae tenetur suo clienti pro causa conditione diligentiam præstare: vt si sit difficilis, si magni momenti, tenetur magis laborare, quam si facilis vel partii momenti. similiter ex officio tenetur esse instrutus conuenienti peritia, cum pro idoneo aduocato se gerat, & vt talis stipendia exigat. vide supra cap. 7. dub. 7.

Dico Secundò, Quando tuerit causam, quam ⁴⁸ aduertit esse iniquam, tenetur ad restituionem *Si aduerit causam esse iniquam*: omniū damnorum, quæ parti obueniunt ratione illius patrocinij; vt expensarum factarum, & eorum omnium quæ per item amisit: tenetur etiam suo clieti, li cum bona fide procedentem non monuit de cause iniustitia; horum enim omnium est causa vel committingo, vel omittendo contra debitum officij.

Vbi Aduerit Primò, Si ciens monitus de causa iniustitia, nolit desistere, aduocatum debere illum *Ciens monitus* deferere; non tamen secreta cause prodere parti, nisi si foret necessarium ad graue aliquod damnum proximi impediendum: tunc enim deberet Indici aperire, vt occurra. quiuis etiū lute charitatis tenetur proximi damna impeditre, quantum fine suo damno potest. Neque tunc potest inducere partem ad transactiōnem, si ea cum damno *Transactio non sua* eius futura esset; quia solum in causa dubia, *transactio* *denda*. actio locum habet. vide D. Thomam qu. 7. art. 3. ad 2. Siluest. v. Aduocatus, num. 16. & Nauarr. cap. 25. num. 28. vnde graui peccant aduocati & consiliarij, qui dum in successu litis aduerunt partem alteram tueri causam iniquam, inducunt alteram ad compositionem.

Aduerit Secundò, Aduocatum Rei, qui ipsum ⁵⁰ fraudibus defendit contra fiscum, non teneri ad *Fraudibus* compensandum emolumentum, quod *fisco ex contra fi-* damnatione prouenisset, si illum non defendisset; *sum de-* *fendens*. sicut nec ipse reus tenetur. quia poena non debetur, nisi fecuta sententiā; ac prōinde nec compensatio. & quamvis fraudibus istis faciat iniuriam Reipub. quatenus peruerteri iudicium publicum; hæc tamen iniuria non obligat ad restituionem: quia non est contra iustitiam particularem, sed legalem: qualis etiam est iniuria Rei falsum testem subornantis, vt poenam euadat.

De aduocato fisci est maior dubitatio. multi enim Doctores, inter quos est Michaël Saloni, putant hunc teneri ad compensandum fisco emolu-*Aduocatus fisci* mentum talis poenæ, si causam eius negligenter aut non fideliter egit: nam ex officio tenetur fisci commodis consulere. Sed contrarium videtur verius ex contrario fundamento: quia officium eius non est curare vt fiscus mulctis & confisca-tionibus dilescat, sed vt leges seruentur, & legum violatores puniantur. Itaque cum ipse ex iustitia non teneatur causam protequi vt fiscus bona Rei acquirat, non teneri ad restituionem, etiam si causa prosecutionem omittat; præsertim cum fiscus ius propinquum ad bona illa non habeat, nisi fecuta damnatione vel criminis declaratione. vide supra cap. 13. dub. 10.

Aduerit Tertiò, Si clienti intentetur actio criminalis, & aduocatus eum ita defendat, vt accusator non potuerit convincere, & ideò damnatus sit *Si accusator deficit in probazione*: ad poenam talionis, non teneri aduocatum ad restituionem illius damni, nec effici irregularem: quod est contra Nauartum cap. 27. num. 209. sed ita docet Couarruias in Clement. Si furiosus p. 2. §. 5. num. 5. & Saloni quest. 71. artic. 3. L 1 3 cons.

controv. 1. Ratio est, quia hoc damnum per accidens & præter ipsius intentionem accusatori obvenit, cuius ipse causam non tenebatur iuuare. Idem dicendum de reo, ex cuius negatione sequitur accusatori pena.

D U B I T A T I O I X.

Vtrum aduocatus possit causam dubiam tueri.

^{§2} R E spondeo Primò, Si utraque pars est quasi aequè probabilis, potest suscipere vtriusvis, id est, siue Rei, siue actoris patrocinium: tunc enim uterque ius habet iudicio experiundi.

Dico Secundò, Si causa Rei minus quidem sit probabilis quam actoris, absolute tamen sit probabilis, potest aduocatus eam tueri. Ita Sotus l. 5. quæst. 8. artic. 3. Patet; quia reus tunc se potest tueri: ergo, &c.

^{§3} Sed difficultas est, si causa actoris sit minus probabilis, quam Rei. Sotus existimat aduocatum tuū non posse causam actoris suscipere, si inde graue damnum Reo imminet; id enim fore contra charitatem, quod interdum locum habere potest, quando causa potiri, parum interest actoris. ordinariè tamen quando causa est verè probabilis, suscipi potest, siue sit actoris, siue Rei: quia non semper id, quod videtur probabilius, est verius. imò sàpè id, quod minus videtur, verius est. unde etiam aduocato causa Rei proba-

bilior; potest tamen bona fide suscipere causam actoris, quæ etiam probabilis sit, & subijcere se iudicis determinationi, allatis ijs quæ pro illa faciunt.

Dices Primò, Ea pars est Iure potior, cuius causa est probabilior: atqui iniquum est agere contra eum qui maius ius habet ergo, &c.

Respondeo, ille, cuius causa est probabilior, videtur quidem Iure potior, non tamen semper est re ipsa: vnde is, cuius causa est probabilis, non tenetur eam defere, quod aduersæ partis videatur probabilior; sed potest adferre quæ pro sua faciunt; & toram determinationem iudicii relinquere, cui fortè aliter videbitur.

Dices Secundò, Cuius causa est minus probabilis, non potest alteri bellum inferre; vt patet ex dictis qu. 40. art. 1. dubit. 4. ergo nec item adversus eum suscipere.

Respondeo negando consequentiam. Ratio est, ^{Alia est} quia per item fit inquisitio veritatis, utri re ipsa ^{ratio litis,} plus iuri conueniat, & decisio relinquatur iudicii, cuius est vtriusq; partis momenta expendere, sed bellum illatio est tentativa executio: vnde supponit sententiam esse latam, vel debere ferri in favorem eius qui bellum infert, cuius autem ius est minus probabile, non debet sententia pro illo sed portius contra illum ferri; ac proinde non potest bellum mouere.

Vtrum autem iudex teneatur sequi sententiam probabiliorum in iudiciis, dictum est 1. 2. qu. 19. art. 6. dub. 7.

S E C T I O Q V I N T A.

D E O F F I C I I S I V S T I T I A E

D I S T R I B U T I V A E.



A C T E N V S dictum est de officijs Iustitiae commutatiue, quæ potissimum cernuntur in tribus, nempe in restitutione obvarias causas facta; in commutationibus contractuum; & in publicis iudiciis, quibus puniuntur Rei, & absoluuntur innocentes. Sequitur vi breuiter agamus de functionibus Iustitiae distributivæ, & iniurijs quæ ibi committuntur. Hæ autem functiones maximè consistunt in distributione onerum & officiorum publicorum. Hac onera publica potissimum sunt vectigalia & tributa: officia autem publica sunt vel secularia vel ecclesiastica, quæ dicuntur beneficia, in quibus maximè committi solet simonia. Iniuria autem, quæ propriè Iustitiae distributivæ repugnat, vocari solet Acceptio personarum, quamvis hæc etiam contra Iustitiam commutatiuam interdum admittatur. Quare hæc Sectio constabit quatuor capitibus. Primum erit, De acceptione personarum generatim, & speciatim in officiorum distributione. Secundum, De vectigalibus. Tertium, De beneficijs. Quartum, De simonia. et si enim simonia propriè sit contra virtutem religionis; tamen quia maximè in beneficijs locum habet, de ea proximè post beneficia disputationibus.

C A P V T